

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

11. Summi Pontificis Sigismundi Cæsarlis, & Ducis Veneti seruata incolumitas, & quantas Deo gratias agere debeamus, ob pericula superata.

urn:nbn:de:hbz:466:1-45701

208 Cap. XXI. Sept. morb. canſa, pueris ſe exponentia temeraria,
poſſet. Quæ reſ occaſionem præbuit, vt pauci familiariſ non
tam armis, quām præſenti animo, & bona conſcientia armati
inſtructi que juuarent. Nam illa exigua mora interpoſita, qua
Iacobus clamauit: ſe liberum natum, liberum etiam moriturum:
quatuor ē familiaribus illius, vnuſ poſt aliū, diuerſis ē locis in
auxilium venerant, & octo, vel plures conjuſatos, ab armis in-
ſtructiſſimos, vel interfecerunt, vel abegerunt malē multatos, re-
ge incolumi conſeruato. Sublatis itaque interfeciſſique capitibus
conjuſatorum, ceteriſque remotis & fugatiſ, diuulgato regiſ
periculo, numeruſ aulicorum auctus eſt. Rex autem ab inſi-
dijs & proditione in tutum conſtitutus, præſens auxilium
Numiniſ agnoscens, in medio aulicorum; in genua ſupplex pro-
eubuit, Deoque pro liberatione tam prodigioſa, etiam inſperata
victoria, prolixè gratias egit. Et quia à tanto malo incolumiſ
ſeruatus fuit, non dubitauit, fruſtra id Daſm non feciſſe, ſed ſe
ad maiora opera ſeruaffe.

XI. Refert Iuſtinianus de rebus Venetiis, Cremonæ, apud Ga-
briūm Fundulum eius urbis Abduanæque glareæ dominum,
vno tempore Ioannem XXII. Pontificem Maximum, Sigismun-
dum Cæſarem, & Mocenicum Legatum abſentem delectum.
Principem Venetum, ſimul conueniſſe. Vbi inde diſciferunt,
Gabiſinus ſepe poſtea ſeipſum parum mentis compotem appelle-
lauit, quòd tres ſummoſ Principes orbis, Romanum Pontificem,
Germanum Imperatorem, & Venetum Ducem, cum eos in po-
teſtate habuiſſet, & intercipere potuifſet, tamen liberos dimiſiſſet.
Nimiram, quemadmodum olim Deuſ, vt Lotum, eiusque fa-
miliam intaminatos ſeruaret, Sodomitaz caciitate percuſſit, ne
limen domus ingressumque inuenirent; ita hodieq; multos alioſ
nocere capientes exercat, ne noceant, aut videant, vbi nocere
poſſint. Utinam & nos non cæci eſſemus, qui quotidie ab in-
numeris periculis, immo singuliſ horis defendimur, & tamen
noſ agnoscimus diuinam protectionem, neque cum Iacobo Sco-
tiaz rege in genua procumbimur, vt Seruatori noſtro Deo, An-
gelo cuſtodi, Diuſque tutelaribus gratias laudeſque perſolu-
muſ. Potuifſemus, ſicut Sisara, & Holofernos, ſomnum cum
morte jungere; potuifſemus de lecto, de ſcalis cadere, & bra-
chiuſ;

Gen. 19, 15

Iuſtinian.lib.
ſ. de reb.
Ven.

chium, aut crura frangere; potuissemus arancam in offa ac jen-
taculo, rubetam in prandio, napelum in merenda aut coena su-
mere; potuissemus à combibonibus, à militibus, à latronibus
ferro, clava, poculis & cantharo fauciari; potuissemus, rupto
ponte, vel glacie, aquis mergi; denique accidere nobis potuit,
quidquid vñquam audiuimus alijs accidisse. Omnes morbi, om-
nes insidiæ, omnes nos casus, qui alios inuoluerunt, nos quoque
comprehendere potuissent. Non comprehendenterunt, diuina fuit
protectio, Angeli custodia. Accepimus beneficium, non sensimus;
debitum, non beneficium esse arbitrati sumus. Hinc illæ Conditi-
toris nostri sunt querelæ: *Filios enutriui, & exaltavi, ipsi autem, Ia. 1. 2.*
spreuerunt me. Item: *Decem mundati sunt, & nouem ubi sunt?* Luc 17. 17.
Aliter David egit, qui seipsum ita est allocutus: *Benedic anima Psal. 102. 2.*
mea Domino, & noli obliuisci omnes retribuções eius. Aliter Paulus
docuit, dicens: *In omnibus gratias agite.* itemque: *Gratias semper 1. Thessal. 5.*
agentes, pro omnibus, in nomine Domini IESV Christi DEO & Patri. 18.
Aliter S. Augustinus scripsit: *Recolam ad mentem meam omnia* Ephes. 5. 20.
bona, Domine, qua fecisti mihi à juuentute mea, in omni vita mea, lib. Soliloq.
Aliter etiam S. Hieronymus, qui ait: *Christianorum propria vir- cap. 18*
tus est, etiam in his, quæ aduersa putantur, referre gratias Creatori. S. Hieronym.
Qui sibi sanctiores videntur, solent DEO referre gratias, quod de peri- in epist. ad
culis vel miserijs liberati sunt. Sed iuxta Apostolum hac virtus est
maxima, ut in ipsis periculis atq; miserijs DEO gratia referantur, &
semper dicamus: *Benedictus Deus, minora me scio sustinere, quam-*
mereor, *hac ad mea peccata parua sunt, nihil mihi dignum redditur.*
Aliter quoque S. Ambrosius, qui certa quoque tempora describit, S. Ambros.
quibus DEO gratiae sint agendæ. *Qui est uilis Christianus, semper serm. 43.*
debet Domino suo laudes dicere, & in eius gloriam omnia procurare;
sicut ait Apostolus: *Sine manducatis, sine bibitis, sine aliud quid facitis,*
omnia in gloriam DEI. Ergo cùm in diluculo surgimus, debemus pri-
usquam procedamus è cubiculo gratias agere Salvatori, & ante omnes
actus facili, actus habere pietatis, qui nos quiescentes & dormientes in
lectulis custodinit. Vt enim ego securius dormiam, ille permigilat: sed
& cùm vespera diem claudit, ipsi debemus per psalterium laudem di-
cere, & gloriari eius modulata suavitate concinere. Hoc enim non so-
lum docemur ratione, sed etiam admonemur exemplis. Nonnè enim
videmus

210 Cap. XXI. Sept. morb. causa, piculis se exponentiū temeritas, videmus minutissimas aues, cùm diem aurora producit, in quibusdam nidorum cubiculis varia dulcedine personare, ut Creatorem suum, quia loquela non possunt, suauitate demulcent? aues propter viliissimā escas, gratias agunt, tu pretiosissimis epulis pasceris, & ingratus es? imitare ergo frater aues manē & vesperi Creatori gratias referendo. Et, si es deuotior, imitare lusciniam, qua & nocturna spatio pernigili cantilena decurrit. Ad quid tot gratiarum actiones? nisi quia non possumus gratias agere sufficientes, cùm singulis horis, in modo momentis beneficijs diuinis cumulemūr, & periculis innumeris eripiamur, aut ab ijs præseruemur.

XII.

Per mare rubrum & Israëlitæ, & Ægyptij transire voluerunt: hi mersi & fluctibus cooperti sunt, illi illæsi & sicco vestigio transferunt. Nimirum alio pacto impij & mali, alio Dei serui in periculis versantur. Sicut enim Israëlitæ à Deo jussi in viam illam intrârunt; ita Ægyptij sponte, & animo persequendi, semitis illis institerunt. Hinc illi intra ipsos fluctus incolumes seruati sunt, Pharaeo autem cum exercitu, & omnes Ægyptij perierunt. Ad eundem modum quotidie contingit hominibus periclitari. Alij, vt Dei legibus & mandatis pareant, vt fugiant malas societates, vt se non inebriant, vt injusta non approbent, vt fidem orthodoxam non negent, de fortuna, de sanitate, de vita periclitantur; quare se minis, insidijs, tyrannis exponunt, & cum Apostolis

Actor. 5. 40. casi eunt gaudentes, & Deo gratias agentes, quoniam digni habiti sunt, pro nomine Iesu contumeliam pati. Hi, sanguine quoque effuso, velut per mare rubrum, eudunt ad littus & portum æternę beatitatis. Qui verò secuti Pharaonē temerè & maleuolè intrant in medios fluctus, sequे omni periculo sponte & vltro exponunt, an non digni sunt, vt & vulnera & mille damna patientur? Tan-

Osee. 13. 9. toque magis illis dici potest: Perditio tua, Israël; tantummodo in me auxilium tuum; quia etiam temerè pericula adeuntes toties seruat; quid mirum est, si auxilium non agnoscentes, si toties ad scopulum recurrentes, si etiam, ne cadant, retinere volentem

Eccles. 3. 27. blasphemantes tandem finat ire, & perire? Qui amat periculum, in illo peribit. Canem quidam molitor habebat, qui feruentiore sole astuans, vt se refrigeraret, ex alta ripa in concitum flumen salire amabat. Facilis descensus erat, sed difficile gradum reu-

care,